

## Tres persona seriamente herida den accidente pisa na Solito



## Ta 17 aña di misterio y secreto; Ken a mata Natalee Holloway? Unda e ta?




## Imsan a laga Aruba sin ambulance diadomingo atardi cu varios emergencia



## Dama chauffeur a perde control cay den e rooi memei di e vianan di Sasakiweg



## Kico un persona infiel ta busca di su amante, cu su esposa no ta dune ?





# Adicto ambulante Mexzy Lont ta sigui ta un problema tur mainta pa Monumenten Bureau



Diamars mainta a drenta informe di cu tin un adicto ambulante drumi na grandi cu tur su pertenencianan dilanti di Monumenten Bureau den Schelpstraat formando un mahos bista, mesora a dirigi un patruya na e sitio.

Na yegada di e patruya

a bin constata cu aki ta trata di e conosido adicto ambulante Mexzy Lont. Polis a lante for di soño y a pone recoge tur su pertenencianan y move for di e sitio.

Pa años gobiernonan di politiconan cu a priminti un solesion pa e problematica aki y tur



a bay sin a cumpli, tin no sosode pronto esun pueblo! Priminti ta mas tur indicacion si algo actual tambe a gaña cu debe!

## Accidente na trabao a laga un trahado herida den deposito na Bushiri

Dialuna mainta a drenta informe di un incidente cu a laga un trahado herida na un deposito na Bushiri, mesora a dirigi tanto polis como ambulans na e sitio.

Na yegada di e patruya a bin compronde cu e trahador un homber di 59 aña a herida su mes cu un machin pa hisa carga. Esaki a pone cu e trahado a herida su pia.

Na yegada di e ambulans nan a atende e victima y a transporte pa hospital. D.T.I. a ser avisa y a manda un inspector pa inspecciona e sitio di accidente.





# Imsan a laga Aruba sin ambulance diadomingo atardi cu varios emergencia

Baby Beach – Actividad di Soul Beach na Baby Beach a bira tenso, momento cu un turista a bira hopi malo.

Esaki tawata debi cu e turista lo a keda hopi den e solo cayente causano zon ontsteking.

Esaki a causa cu e turista no por a hala rosea bon debi na e efecto serio ora bo keda den directamente den solo pa varios ora.

Mesora a pidi pa ambulance

Aki ta unda e dolor di cabes a cuminsa. No tawata tin ningun ambulance disponibel e momento ey pa pariba di brug, tur tawata bezig pabou di brug.

Segun nos a compronde pariba esta na San Nicolas lo tawata tin un actividad pa nos bishitantenan di Soul Beach, y si tawata bon Rode Kruis lo mester tawata presente, mirando cu ta trata di un actividad cu hopi hende.

Den careda di 3:30 lo a mira un ambulance cu spoed bayendo ariba, pero e momentonan eya polis a improvisa y pone e persona hopi malo den auto hunto cu famia y escortanan pa Imsan.

Polis a pidi ayudo tur caminda

Polis a haci su maximo esfuerso pa haya un



ambulance, pero tawata manera un “mission imposible”.

A bay asina leu pa check cu Kazerne esta Savaneta Kamp y tambe a resulta negativo.

Y cada minuut tawata conta.

Segun nos a compronde cu e Ambulance lo a logra topa cu e auto transportando e victima altura di e Anker y a tume over bay Imsan.

Nos tin cu bisa cu algo a bay completamente robes diadomingo merdia cu e rooster di Ambulance.

Ta trata di un eror serio cu no mag di sosode

Algun rato despues, otro caso di emergencia a presenta na Nikky Beach, pa un caso di hende cu a bira malo.

Mescos a pasa, no tabatin ambulance y mester a transporta e persona den auto di famia.

Ta urgi Imsan y

Ambulance pa duna cuenta riba e desaroyo aki. A bin compronde cu tin yen ambulance disponibel, pero no tin personal.

**Nos tin cliente pa cumpra cas den cualke condicion, tambe si e ta deteriora, den price range di 70 pa 150 mil florin.**

**Contact  
nos na  
whatsapp  
7390101 y  
manda nos  
informa-  
cion.**






# Accidente pa falta di preferencia na cruzada Van Leeuwenhoekstraat/ De La Sallestraat



Dialuna mainta a drenta informe di un accidente na e cruzada Van Leeuwenhoekstraat/ De La Sallestraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda

cu e chauffeur di e Hyundai Tucson biniendo for di Van Leeuwenhoekstraat a subi e cruzada sin duna preferencia na e Nissan Skyline den De La Sallestraat. Afortunadamente ningun hende a resulta herida.



# Polis a detene un persona cu a purba stroba polis di barrio durante un control di limpiesa na Bushiri Residences



Diamars mainta durante un control di limpiesa na Bushiri Residences hunto cu Polis di Barrio, D.I.P. y F.C.C.A., a bin encontra poco rommel

entre e casnan y a recoge esakinan. Durante e control un persona a lanta contra polis y no a keda nada otro cu recoge su rommel y como



cu ela lanta contra polis a detene pa obstrui trabao policial.



# Tres persona seriamente herida den accidente pisa na Solito



Diasabra anochi 7:30 pasa un accidente pisa a sosode ariba e rotonde di Solito, cu ta cerca di stadion di RCA.

Unidadnan di rescate y polis a sali mesora

Informacion a sigui drenta cu ta trata di un accidente serio, unda tin tres hende herida di cual un ta pega den auto.

Caminda mester a wordo cera

Mirando unda e autonan a keda tawata memey di caminda, pues niun trafico por a pasa.

Con e accidente a sosode

Ariba imagen di video cu nos a mira tawata musta con e Toyota Corolla cu un señora na stuur y dos mucha ocupante a subi

rotonde for di pabou, y for di panort e truck di BSL Laundry a subi cu velocidad halto dal y lastra e Toyota bay zuid cu ne.

Materiaalwagen, Ambulance, Slachtofferhulp y hopi polis

E truck a keda pega contra e Corolla, e dos hobennan a wordo saca nan tawata herida cu algun corta.

Bomberonan mester a drenta den accion mesora, pa asina saca e señora di e situacion cu e tawata aden.

E no a bay facil.

Durante cu nan tawata bezig liberando e señora, e truck mester a wordo hala pa asina tin mas espacio pa traha.

Saca for di banda di pasahero

Despues di basta rato a saca e señora for di banda di pasahero y Paramediconan a tume over y hinke den ambulance.

Famianan a yega durante cu bomberonan tawata trahando pa libera nan ser keri, y mas cu claro e no ta algo facil pabo presencia.

Janine Rodriguez di Slachtofferhulp tawata na e sitio y mesora a usa su experticio pa papia cu e famianan y calmanan.

Chauffeur y alabes empleado di compania di laundry no a resulta herida, pero tur esnan den e Corolla a wordo transporta pa Hospitaal.



# Accidente pisa na Kibaima, auto bay man robes dal palo di lus kibra, bons bay otro banda dal mata, bons dal vangrail bay para poco mas pazuid



Dialuna madruga a drenta informe di un accidente basta pisa cu hende herida na Kibaima, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda cu e chauffeur di e Kia Cerato A22640 bayendo zuid cu velocidad basta halto

a bay na man robes di caminda dal palo di lus kibra bay bek na man drechi dal den un mata bons bek sigui bay zuid dal riba e vangrailsnan bons bek bay para un poco mas pazuid.

Debi na tur e impactonan ey e chauffeur a resulta unicamente levemente herida.

Na yegada di e ambulans e chauffeur mes a cana bay drenta den e ambulans unda nan a atende. Hopi azeta y

resto di partinan di e auto y e palo di lus a plama full riba caminda cu mester a pidi D.O.W. pa bin haci limpi y basha

santo riba e azeta. Elmar tambe a bini na e sitio pa drecha e palo di lus. E caminda mes a keda basta ora sera.



# Ta 17 aña di misterio y secreto; Ken a mata Natalee Holloway? Unda e ta?



30 di Mei 2022, ta marca 17 aña di desaparicion di Natalee Holloway.

17 aña di misterio y secreto!

Riba nos isla chikito, ta masha dificil pa wanta un secreto, pasobra e informacionnan ta core mesora, cu excepcion di e caso di Holloway y algun otro caso.

Tabata 30 di mei 2005, den ora di anochi cu el’a subi auto di Kalpoe, hunto cu Joran, saliendo di Carlos & Charlies, un nightclub den Wesstraat.

Desde e momento ey, nos a tende 1001 storia; Cu a bahe na Holiday Inn, cu el’a pidi pa mira Tribon na California Lighthouse, etc etc, te cu el’a baha di auto na Fisher’smans House.

Joran van der Sloot, e sospechoso den e caso aki, riba mes un fecha, 5 aña despues, na 2010, a mata un dama Flores den kamber di hotel na Peru, y awor sintando 28 aña di castigo.

Ta un storia cu a pone Aruba den un spot poco negativo cu ta parce un telenovela cu ainda no a yega su final.


Recien Greta van Susteren a bisa di tin prueba clave den e caso, pero te cu awe, nada!

Un cos ta sigur! Natalee Holloway lo a fayece, kisas wordo mata, of wordo negligisha ayudo medico durante cu el’a bira malo of un posibel overdosis. Pero unda e ta ?

Den lapso di algun ora a logra sconde su restonan mortal, cu ta laga un secreto biba 17 aña largo. Cuanto aña mas? Nos lo mira e capitulo final ?

Nos tin comprension pa e dolor di su famia y alabes ta deseanan forsa den nan lucha pa yega na e berdad.

Tin hopi pregunta cu a keda habri te cu awe y pa cuanto aña mas ??

<div><div>OPENBAAR MINISTERIE ARUBA</div></div>		
Corte di Prome Instancia 2 juni 2022		
Horario	Sospechoso	Acto Castigabel
08.30	E.A.C.	C. ta wordo acusa di a menaza un persona cu morto den e periodo di 6 pa 10 di maart 2022.
13.30	P.E.F. S.S.S. K.R.V.	F. y S. y R.V. ta wordo acusa di ladroncia di un suma di placa di un persona den e periodo di februari 2018 te april 2018 y di 7 di juni 2018 te prome di juli 2018.
14.00	S.M.E.	E. ta wordo acusa di a dal un persona cu mokete den su wowo y di a destrui su bril riba 16 di juni 2021.
14.20	M.A.W.D.	D. ta wordo acusa di a maltrata un persona riba 7 di december 2021.
14.40	A.Y.L.	L. ta wordo acusa di a menaza un persona cu morto riba 2 di februari 2022.
15.00	E.E.W.	W. ta wordo acusa di a planta marihuana riba 26 di oktober 2021.
15.15	R.G.C.	C. ta wordo acusa di a maltrata un persona cu mokete na su cabez of lomba y di e pushe riba 29 di augustus 2021.
15.35	S.D.C.	C. ta wordo acusa di a maltrata un persona riba 29 di oktober 2021 dor di tira sopi cayente den su cara y dal e cu mokete varios biaha na su lomba.
14.00	D-A.H.A.	Pro forma. A. ta wordo acusa di tabata bende cocaina den e periodo di 8 februari 2002 te 8 februari 2022.
14.00	A.J.M.	Pro forma. M. ta wordo acusa di a bende cocaina den e periodo di 11 di februari 2021 te 22 di februari 2022. E ta wordo acusa di posesion di hennep y XTC/MDMA riba 11 di februari 2022.
14.00	V.M.B.	Pro forma. B. ta wordo acusa di tabata bende hennep den e periodo di 12 di februari 2015 te 12 di februari 2022.
14.00	C.R.C.	Pro forma. C. ta wordo acusa di a bende cocaina di 12 di februari 2016 te 12 di februari 2022
14.00	R.T.W. O.D.C.	Pro forma. C. y W. ta wordo acusa di kiebro y ladroncia den seis container riba percelanan, cinco cas den construccion riba percelanan y un deposito den e periodo di prome di november 2021 te 12 di februari 2022 di tools, material di construccion, un delco, bentananan, un tanki di awa y otro propiedadnan di hende. C. y W. ta wordo acusa di kiebro y ladroncia den un boto di cañanan di pisca riba 29 di mei 2021. Nan ta wordo acusa di kiebro y ladroncia di pick-up di un persona riba 15 di december 2021.



# Kico un persona infiel ta busca di su amante, cu su esposa no ta dune ?

Ora bo drenta den un matrimonio ta pasobra cu ambos a hura fidelidad, exclusividad, amor y ta projecta di ta hunto un bida completo.

Segun tempo ta pasa bay, e situacion ta bira dificil pa continua cu e compromiso ey, y den un frega di wowo, un di dos ta sinti cu e mester algo nobo den su bida, of ta encontra un otro, cu ta pone sinti un vlam cu ta pone sinti bibo.

Kico personanan infiel kier di nan amante ?

– nan ta busca un muher hoben pa nan sinti bibo intimamente.

– Tin homber cu ta busca aventura di un anochi, “one night stand” y nan


ta cambia di muher amante cada ves

– Ta busca amante pasobra nan kier biba nan fantasia, y defacto esun cu encontra un amante, ta hasi cu su matrimonio lo ta stabiel, segun estudio.

– Pasobra nan ta busca cu kende nan por sinti admira, a veces e rutina di cas ta haci cu ta busca e atencion ey cerca amante.

– Nan ta busca una amante pa sinti cu nan ta importa un persona, mas aun si na cas no tin e valor manera debe ser.

– Ta busca un amante pa show off cu amigo, manera un trofeo.



– Nan ta haci'e pasobra ya nan no ta stima nan casa y ta busca un amante cu kende nan kier pasa mas tempo, haciendo cosnan cu ta laga nan sinti special.

Di e preguntanan cu mas ta wordo haci den matrimonio:

pakico busca un amante?

Pakico tuma riesgo di tin un amante?

Tin un contesta basa riba un estudio realisa pa Ashley Madison entre mas di 5000 persona, na cual a conclui cu tanto pa muher (64.5%) como pa homber (67.5%), e característica di su infidelidad ta pa ta discreto, pa por haya

un mayor cantidad di adrenalina.

50.6% di muher, ta desea pa nan amante ta un persona sano y no ta usa droga. Hombenan na otro banda, ta sigui prefera aspectonan sexual y 49.6% ta busca un amante cu ta complaciente y mala mucha den cama.

*Cas di Max ta anuncia fayerimento di  
nos querido Ruman, Omo y Colega*

**Sr. Paul Randall Croes**

*Mihor conoci como 'Dadou'*

*Ruman di Directora Karine Croes y  
Omo di Paul Schouten*

*Coleganan*

*Reinhard (Papito), Angelique, Jenny, Max Jr., Fransisco,  
Jean, Omar y Ricardo*


*Cas di Max ta desea e yiunan y famia  
condolencia y forza den e dianan difisil*



**Cas di Max**



# Ringbalk di bloki di ex-edificio di Victoria Bottling a bin abao riba caminda net ora peaton tabata pasando



Diamars mainta a drenta informe di cu parti di ex-edificio di Victoria Bottling a bin abao den Piet Heinstraat, mesora a dirigi un patruya na e sitio.

Na yegada di e patruya a papia cu e peaton kende a declara di tabata canando ora cu diripiente ela tende un sonido fuerte y a mira blokinan bini abao.

Ela haya susto di su bida y a core bay otro banda y despues a yama bati alarma. Polis a sera e caminda pa trafico no pasa mientras e trahadornan mes cu nan equiponan a recoge e restonan di material cu a bini abao. Riba e imagennan por mira claramente cu e ringbalk no ta basha ni tin hero mara.

PA MOTIBO DI LUTO CAS DI MAX  
MEIVELD Y SCHOTLANDSTR.  
LO TA SERA  
DIARANSON, 1 DI JUNI, 2022

**Sr. Paul Randall Croes**  
*Mihor conoci como 'Dadou'*

*Cas di Max ta desea e yiunan y famia  
condolencia y forsa den e dianan difisil*





# Aveo cu dos dama aden a perde control ariba Ave Nelson O.Oduber



Diadomingo marduga polisnan bayendo un asistencia ariba parkeerplaats di Gusto a topa cu un auto cu a accidenta.

Tawata den careda di 3'or di marduga cu polis a topa ariba e caminda bay nort di Super Food un accidente.

Den e auto lo tawata tin 2 dama.

Polis a papia cu nan y segun nos a compronde pa un of otro motibo nan a perde control y baha caminda.

No tawata tin hende herida.





### Corte di Prome Instancia 3 juni 2022


Horario	Sospechoso	Acto Castigabel
08.30	Z.A.C. I.M.P.	C. y P. ta wordo acusa di intento di homicidio, posesion di arma di candela y ladronia cu violencia riba 4 di juni 2021. Nan ta wordo acusa di menaza cu morto, maltrato cu arma, cendemento di candela y posesion di arma di candela riba 16 di december 2019 y den e periodo 13 pa 15 di januari 2020.
09.00	E.C.K.	K. ta wordo acusa di intento di kiebro y ladronia den auton riba 12 di maart 2022 y riba 3 di januari 2022 y riba 7 di oktober 2021. E ta wordo acusa di ladronia di un bicicleta riba 31 oktober 2021. E ta wordo acusa di kiebro y ladronia den un auto riba 18 di februari 2022 di algun cen larga. E ta wordo acusa di ladronia di un boter di biña y algun otro propiedad di hende den e periodo di prome di december 2021 te 19 di januari 2022.
10.00	N.G.V.	V. ta wordo acusa di a stalk un persona di 2020 te januari 2022.
10.45	A.F.G.Z.	G.Z. ta wordo acusa di ladronia riba 31 di januari 2022.
11.15	R.R.E.L.	L. ta wordo acusa di kiebro y ladronia riba 16 y 17 di januari 2022 y riba 2 di februari 2022.

### Corte di Prome Instancia 13 juni 2022

Horario	Sospechoso	Acto Castigabel
08.30	S.C.R.R.	R.R. ta wordo acusa di importacion di remedinan no registra of no mas permiti riba 30 di mei 2021.
08.50	J.C.W.	W. ta wordo acusa di a nabega sali for di Aruba sin a klaar uit riba 3 di juni 2021.
09.30	V.T.	V.T. ta wordo acusa di a keda sin entrega documentonan na Aduana riba 24/25 di mei 2021.



# Auto laga misteriosamente atras riba tereno priva na Papaya



Dialuna mainta a drenta informe di cu tin un vehiculo desconosi laga atras riba un tereno priva na Papaya, mesora a dirigi un patruya na e sitio.

Na yegada di e patruya a bin compronde cu aki ta trata di e Nissan Skyline cual a ser laga banda

di un container riba e tereno unda un cas lo ser construi.

Polis a rondrea rond pero no a haya ningun hende den cercania. Pa tur seguridad polis a laga confisca e auto pa pone na disponibilidad di e doño.



## Ta spera mas Horcan debi na La Niña

Noticia EFE / May 27, 2022

E proximo temporada de horcan den Atlantico lo ta mas inenso di lo normal debi na e fenomeno di La Niña y e temperatura di lama cu ta mas halto, segun National Oceans and atmosphere Administration di Merca. Ta pronostica entre 3 cu 6 horcan di categoria 5.

E temporada di horcan cu oficialmente ta cuminsa dia 1 di juni pa 30 di november, lo bolbe surpasa e promedio di horcannan, pa di 7 año consecutivo, segun NOAA, Rick Spinrad, den un conferencia di prensa.

Ta estima cu den e proximo seis lunanan lo por registra entre 14 y 21 tormenta tropical, siendo cu e promedio di 14, di cual entre 6

y 10 huracanes, di nan entre 3 y 6 de categoría mayor.

Alomenos 3 horcan lo ta entre categoria 3, 4 y 5 riba scala Saffir Simpson, cual ta nifica biento di mas di 111 milla pa hora, igual na 178 km/h. La niña

E tendencianan di la Niña ta haci cu lo tin menos ciclon tropical y mas den Atlantico. Pacifico por spera 60% menos ciclon.

La Niña hay ta percura pa superficie di lama mas cayente cu biento mas debil y y aumento di biento di Africa, cu ta controbui na horcannan mas fuerte.

Spinrad a splica cu tin 65% di chens riba un temporada mas



activo di normal, 25% chens di normal, 10% chens cu e lo ta bao di normal.

E ultimo dos temporadanan di

horcan tabata super activo, cual a usa tur e 21 nombrenan cu a programa pa nan.





# Departamento pa Asuntonan Economico, Comercio y Industria Prijsnan Maximo



Conforme regulacion ministerial a keda stipula prijsnan maximo  
di benta pa e siguiente productonan, entrante 28 mei 2022

Articulo/Marca	Contenido	Prijs maximo di benta na e detallista (Afl)	Prijs maximo di benta na e consumidor (Afl)
<b>PALOMA</b>	<b><u>Gelezen:</u></b>		
-wit,5% broken	12/2 kg.	56,47	5,66
-wit,5% broken	5/5 kg.	58,82	14,14
-wit,5% broken	4/10 kg.	94,11	28,28
-wit,5% broken parboiled	25/1 kg.	71,54	3,44
-wit,5% broken parboiled	5/5 kg.	71,54	17,20
-wit,5% broken zilber vlies	25/1 kg.	55,64	2,68
-wit,15% broken semi super	1/25 kg.	45,04	54,15
<b><u>b.Eetbareolie;</u></b>			
<b>WESSON</b>	<b><u>Gelezen:</u></b>		
-canola oil	12/24 oz.	91,28	9,22
-canola oil	9/48 oz.	102,78	13,85
-canola oil	4/1 gls.	113,39	34,38
-canola oil	4/5 qts.	151,32	45,88
-corn oil	9/48 oz.	109,75	14,79
-corn oil	4/1 gls.	123,44	37,43
-corn oil	4/5 qts.	164,13	49,76
-best blend	9/48 oz.	108,36	14,60
-vegetable oil	16/16 oz.	89,85	6,81
-vegetable oil	12/24 oz.	89,11	9,01
-vegetable oil	9/48 oz.	96,26	12,97
-vegetable oil	4/1 gls.	109,38	33,16
-vegetable oil	4/5 qts.	141,33	42,85
<b><u>c.Babyvoeding;</u></b>			
<b>GERBER</b>	<b><u>Gelezen:</u></b>		
-organic puree apple pouch	12/100 gr.	30,30	3,06
-organic puree ban/mango pouch	12/100 gr.	30,30	3,06

Nota: Pa eventual kehonan, fabor tuma contacto telefonico na 5212423.

Proximo publicacion lo tuma lugar dia 11 juni 2022 Peticion pa aumento di prijs mester wordo entrega prome cu 4 juni 2022 pa por wordo procesa.



# IMPORTANCIA DI COMUNICACION POSITIVO ENTRE PAREHA CU YIU

Comunicacion entre pareha ta un herment importante pa por logra un bon relacion. Mas ainda ora tin yui(nan) cu ta depende di e bon relacion entre e mayornan, pa por desaroya sano y no sali perhudica di un posibel relacion turbulento. Tienda di Educacion ta pone enfoke ariba e base di un bon comunicacion cual ta comunicacion positivo. Tin varios factor den bida di un pareha cu por trece desacuerdo y problemanan relacional. Tur esakinan cu posibel consecucionan pa e desaroyo di muchanan involvi.

No ta facil pa na momento di forma un famia tin diferencia(nan) grandi di opinion tocante lantamento di un yiu. Ta peseyta importante pa tin un bon base di comunicacion positivo entre pareha prome cu dicidi di forma un famia hunto. Combersa entre pareha prome tocante e topico di yiu(nan) pa den futuro. Haci preguntanan na otro pa asina haya un bista con bo pareha ta pensa. Si e contesta no ta locual a premira comparti esaki cu bo pareha y splica dicon bo ta pensa otro. Asina por evita problemanan relacional den futuro cu por tin consecuencia menos agradabel.

Pa parehanan cu tin yiu(nan) ta importante pa ambos ta ariba un liña ora di lanta un yiu. Muchanan ta probecha ora cu mayornan no ta ariba mesun liña, nan sa exactamente cerca ken nan mester ta pa logra nan meta. Si acaso mayornan no ta comparti e mesun opinion ora ta trata un cuestion di e yiu mester yega na un solo palabracion hunto. E yiu tin cu siña tambe cu ora di tuma decision, cu esaki ta sosode entre e mayornan prome. Esaki lo contribui cu e yiu lo ta consciente cu no ta importa cerca cua mayor ta puntra, e contesta lo keda mescos. Na momento cu tin duda semper por comunica cu e otro mayor pa asina no trece problema innecesario. Comunicacion ta keda e yabi den tur relacion y decision.

E tarea di un mayor no ta facil.



Mas ainda si no por conta cu e support di e otro pareha. Ta importante pa den pareha, como mayor di yiu(nan) aporta hunto na e lantamento aki. Tin mama of tata soltero cu tin henter e tarea aki riba nan y no tin e support necesario di e expareha. Akinan tambe, cu aunke e bida den pareha no ta funciona mester corda cu semper ambos lo keda mayor di e yiu(nan). Pues ta importante tambe pa despues di separacion pa keda den contacto continuo ora ta trata lantamento di mucha na su bienestsar. Lamentablemente na Aruba nos tin hopi famia cu sea tata of mama no ta presente of no tin contacto cu e yiu(nan) mes. Aunke ta preferibel pa un contacto directo verbal semper por opta pa comunica textual sea via What's App of e-mail. Den caso cu esaki no ta permicibel por opta pa comunica via un tercera persona, preferibel cercano y neutral.

Kisas, despues di a purba diferente opcion, no ta logra yega na un solucion entre pareha ta bira momento pa acerca un

instancia pa ayudo.

Pa ocasionnan asina nos di Tienda di Educacion, cu expertonan den e materia, por guia y duna sosten na mayornan pa asina yega na solucionnan duradero cu enfasis ariba e importancia di e desaroyo di e yiu(nan). E guia y sosten di Tienda di Educacion ta gratis. Por tuma contacto cu Tienda di Educacion pa pregunta of pa traha un cita via 161 di dialuna pa diabierna. Nos oficina ta situa den edificio di Centro pa Hoben y Famia, adres Sabana Blanco 68-C.

Tienda di Educacion ta sostene mayor, educador of cualkier

persona cu tin e tarea pa lanta un mucha cu cualkier preocupacion of pregunta. Tur yamada na 161 ta anonimo. Un sonrisa den cara di nos yiu(nan) por haci milager.

Ta importante pa mayor of educador trece alegria pa nos yui(nan) por tin un infancia sano y desaroya positivamente. Bienestar y siguridad di nos muchanan ta responsabilidad di nos tur! Ban cuida y lanta nos muchanan cu hopi amor y compasion pa asina crea futuro generacion sano y di bon voluntad. Ta un bon ehempel pa nos muchanan y haci un diferencia positivo den nan bida.





# Minister Xiomara Maduro durante seminario di liderazgo femenino: Hende muhe ta ocupa varios posicion financiero importante den sector publico na Aruba



Durante e seminario di liderazgo femenino 'Strong women choose to challenge' na Universidad di Aruba, Minister Maduro a brinda un bista riba e inclusion financiero di e hende muhe na Aruba. E mandatario a trece dilanti cu den sector publico na Aruba tin hopi hende muhe den posicion financiero haciendo un trabou importante pa nos Pais.

Te ainda dos Minister di Finansa femenino Minister Maduro a trece dilanti cu te ainda den gobernacion, nos a conoce dos dama cu a asumi e posicion di Minister di Finansa di nos Pais. Aruba su promer Minister di Finansa ta sra. Ella Tromp-Yarzagaraay, kende alabes tabata Aruba su promer hende muhe Minister Plenipotenciario na Hulanda y Aruba su di dos Gobernador Interino femenino. Na aña 2017,

Aruba a conoce un otro hende muhe como Minister di Finansa den persona di su persona, sra. Xiomara Maduro.



Tin hopi hende muhe den posicion clave den Gobierno. E mandatario a splica cu tin hopi hende muhe den posicion financiero cu ta clave den sector publico y den Gobierno. Asina por aprecia cu tin hende muhe na timon di Aruba su Banco Central, Departamento di Impuesto, Departamento Economico, Controlaria General y den posicion nan financiero clave na Departamento di Finansa, Departamento di Estadistica y na Aduana. Minister Maduro a indica cu e lista aki ta un resumen chikito di un lista mas amplio, ya cu den Gobierno y sector publico tin hopi mas hende muhe cu ta haci un trabou importante den funcionnan financiero na bienestar di comunidad.





# Minister Maduro ta felicita sra. Monique Palm cu su pintura dedica na e musico sr. Vicente Ras

E ta capta e energia unico cu Vicente ta transmiti den e tononan di su tambu



Ras pa brinda e honor.

nos musiconan manera sr. Vicente Ras. E ta un dushi sentimento ora

un Arubiano ricibi un aprecio.

E pintura ta uno bunita cu ta capta e energia unico cu Vicente ta transmiti den e tononan di su tambu. E tabata un momento bunita pa mira con sr. Vicente Ras tabata admira e obra cu Monique Palm a dedica na su honor. Pa e ocasion special aki, sr. Vicente a toca y canta y a invita Minister Maduro pa canta koor hunto cun'e pa asina deleita esnan presente cu musica di Aruba su folklore.

Minister Maduro ta felicita sra. Monique y Vicente pa e bunita obra aki y ta gradici sra. Palm pa e bunita gesto pa na bida brinda honor na

Recientemente Minister Maduro tabata tin e placer pa hunto cu ex Gobernador sr. Olindo Koolman haci e desvelo di e pintura di e musico sr. Vicente Ras pinta pa sra. Monique Palm. E acto a tuma lugar

na Artisa Gallery na San Nicolaas cu presencia di un grupo grandi di famia y amistad cu a bin apoya sra. Monique Palm. Esaki ta prome biaha cu sra. Palm ta pinta un persona y ela scoge e musico Vicente

## ANUNCIO

SETAR ta informa cu lo tin trabounan di mantencion riba **diamars 31 di mei 2022** di 7:30 am pa 4:00 pm.

Bario afecta lo ta:

- Wayaca (un parti)
- Plantersrust (un parti)

Nos disculpa pa cualkier inconveniencia.

 **SETAR**





**TENE NA  
CUENTA  
E USO DI  
TAPA BOCAS**

IBiSA ta informa:

# DEN CONEXION CU DIA MUNDIAL SIN TABACO

Con humamento ta afecta bo actividad fisico y deporte

Humamento ta haci daño na bo habilidad pa haci ehercicio, deporte y di ta físicamente fit. E ta afecta bo curpa y tambe con bon y efectivo bo por haci actividad fisico y deporte. Humamento ta afecta bo curpa riba diferente forma.

Sanger: e nicotina y otro substancia produci door di humamento por haci bo sanger 'pegahoso' y hanchura di bo adernan por bira mas smal. Adernan smal ta baha e fluho di sanger pa bo curason, musculonan y otro organonan cu ta haci actividad fisico mas difícil.

Curason: humamento ta pone e curason bati mas biaha durante descanso 'resting heart rate'. E cantidad di biaha cu e curason ta bati pa minuut 'heart rate' ta bira mas hopi door di e trabou extra cu e mes-ter haci pa mantene e funcion normal di e curpa.

Pulmon: bo por haci activi-



idad fisico y deporte miho si bo capacidad y funcionamiento di e pulmon ta bon. E residuo (tar) den e huma di sigaria ta forma un capa den e pulmon y ta haci'e menos flexibel y efectivo. Humamento ta produci tambe slijm cu por stroba e pulmon di funciona bon. Pesey ora bo ta huma bo ta cansa mas lihe. Hasta ora bo huma un par di cigarra pa dia so, e ta stroba bo pulmon di funciona bon. Actividad fisico y deporte por ta un parti importante den bo plan pa stop di huma. Actividad fisico ta baha e gana pa huma y ta yuda'bo maneha e falta di nicotina y reduci stress. Uza actividad fisico y deporte pa yuda'bo stop di huma! Bo por papia cu bo dokter di cas pa mas informacion y consejo.




**Pa abona na  
SOLO DI PUEBLO**

**Yama  
585 9500  
of manda nos un  
e-mail na  
solodipueblo@gmail.com**

*Entrega tur dia te den  
bo port'i cas*



# Polis a bay na un cas na Boegoeroei pa musica mucho duro den oranan di madrugada



Dialuna madrugada a drenta informe di musica mucho duro saliendo for di un cas na Boegoeroei, mesora a

dirigi un patruya na e sitio. Na yegada di e patruya nan a bati na e porta y e habitante a sali atende cu polis.



## HUPSAKEE

### zomerkamp

Nos tey Atrobe

Cu Juf Maruska y Juf Dani

17 di Juli - 25 di Juli

7:30 - 16:30

Lugar: Imelda KLS

Programa varia: bustrip, excursion, deporte, obra di man, purba den cushina, wega di awa y hopi mas...

Desayuno cuminda cayente inclui

SCHOOL BUS

Juf Maruska: 5935559

Juf Dani : 5933807

Hupsakeeaaa@gmail.com

**SOLÓ** Di Pueblo

BRIYANDO FUERTE • TRECIENDO CLARIDAD

Tip Line 585 9500  
solódipueblo@gmail.com



## A DESCUBRI VARIOS GAI DEN HAULA RIBA TERENO PRIVA BANDA DI BUSHIRI RESIDENCES



Diamars mainta durante un control di limpieza na Bushiri Residences a bin descubri un gayero cu varios gai di pelea den haula y haula cu cantidad di paloma riba

otro.

Domeinbeheer a tuma nota di esaki y a keda di bini cu un ploeg prepara pa desmantela esaki den transcurso di diaranzon.

## Presidente nobo di ReD: Rene Kock

Dia 30 di mei 2003 partido Red Democrático a keda funda. Na ocasion di e fecha aki cu 19 aña pasa ReD a keda funda, directiva di ReD a convoca un Reunion Extraordinario di Miembronan riba 29 di mei 2022 na Atia Building. E tabata un reunion presencial y virtual. A disidi pa amplia e directiva y a keda den e directiva e siguiente personanan: Kinsahsa van der Blik, Lorraine Coojiman, Rene Kock, Thomas Ruiz, Stefano Croes, Ricardo Croes y Rudy Lampe.

Rene Kock a keda eligi como e presidente nobo di ReD. E ta docente, felizmente casa cu 2 yui. E ta combina su pasion pa su famia y pa su trabao como docente cu su interes pa cambia e política tradicional na Aruba. Segun estatutonan di ReD e presidente ta representa e organizacion aki Ta gradisi Kinsahsa pa su presidencia durante eleccion pasa y Kinsasha lo sigui den e lucha, especialmente pa e sector primario haya su lugar mereci na Aruba.

ReD a demostra di ta un partido serio cu un trayectoria di casi 20 aña. ReD tabata den parlamento y den oposicion, pero tambe den parlamento y den gobierno. No ta un par-

tido di flight by night. Tampoco ta un partido chikito cu ta menaza di tumba un gobierno pa interesnan particular. ReD a demostra cu un gobierno di coalicion no ta implica inestabilidad den gobernación.

Pronto ta recorda cu un aña pasa eleccion a tuma lugar dia 25 di juni di 2021. ReD ta prepara pa e proximo eleccion, pasobra cambionan grandi no a tuma lugar, no a legaliza cannabis pa crea otro pilar economico, no tin integriteitskamer ni bureau integriteit, no a cambia e ley electoral pa arubianonan den exterior por vota, ley di financiamiento di partidonan político a keda un tiger di papel, etc.

ReD a demostra cu un ministerio den gobierno, cu ReD sa di practica bon gobernacion y ta honesto y responsable cu placa di pueblo. Nos tin cu sigui lucha pa kibra e dominio di MEP y AVP cu ta organizacionnan pa defende interes di family and friends. ReD ta keda habri pa forma un lista combina cu otro partidonan no tradicional. Y ReD ta habri pa risibi miembronan nobo, tuma contacto via nos FB page <https://www.facebook.com/ReD.Aruba>

### PRONOSTICO DI TEMPO

PRONOSTICO DI TEMPO VALIDO TE DIALUNA 30 DI MEI 2022, 18:00 ORA.

TEMPO:

AWE ANOCHI: PARCIALMENTE NUBLA Y GENERALMENTE SECO

DEN MARDUGA I MAYAN: PARCIALMENTE NUBLA CU UN

AWACERO PASAJERO TE BREVE

TEMPERATURA MAXIMO 33 GRADO CELSIUS

TEMPERATURA MINIMO 27 GRADO CELSIUS

INDICE DI CALOR (HEAT INDEX) DEN Y ROND

DI ORANAN DI MERDIA: 35 PA 37 GRADO CELSIUS

UV INDEX: 12

BAHADA DI SOLO : 7:01 PM

SUBIDA DI SOLO : 6:13 AM

BIENTO:

MODERA TE BASTA FUERTE FOR DI GENERALMENTE OOST;

FORSA 4 TE 5 (20 TE 39 KM/ORA, 11 TE 21 NUDO).

DEN DIA FUERTE TE DURO DEN RAFAGA;

FORSA 6 TE 7 (40 TE 61 KM/ORA, 22 TE 33 NUDO).

SITUACION GENERAL DI TEMPO PA PROXIMO 24 ORA:

DEN PROXIMO 24 ORA NO TA PREMIRA CAMBIONAN GRANDI

DEN E WEER CU TIN ACTUALMENTE. HUMEDAD DISPONIBLE

DEN E PARTINAN MAS ABOU DI ATMOSFERA LO PONE CU

PRINCIPALMENTE DEN ORANAN DI MARDUGA I MAINTA

TREMPAN POR DESAROYA UN AWACERO PASAJERO

TE BREVE LOCALMENTE.

CONDICIONAN MARITIMO/ ESTADO DI LAMA:

NA PARTINAN PROTEJE DI COSTA: LEVE

NA PARTINAN ZUID: MODERA

NA PARTINAN OOST TE NOORDWEST DI COSTA:

GENERALMENTE MODERA

OLANAN LO TA ENTRE 4 PA 6, LOCALMENTE 7 PIA

AVISO/ ALERTA:

TA SUGERI OCUPANTENAN DI BOTO CHIKITO PA BAI

CU CAUTELA NA PARTINAN OOST TE NOORDWEST DI

COSTA Y LAMA HABRI

FENOMENONAN SPECIAL:

NINGUN

POTENCIAL DI AWACERO PA PROXIMO 24 ORA:

1 MM; LOCALMENTE ESAKI POR VARIA

REGISTRACION DI TEMPERATURA (GRADO CELSIUS) Y

AWACERO (MM) DEN ULTIMO 24 ORA (8'AM PA 8'AM):

AIRPORT : MAX 33 / MIN 26 / 0.0 MM

WESTPUNT: MAX 33 / MIN 26 / 0.0 MM

STA ROSA: MAX 33 / MIN 26/ 0.0 MM

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN POSIBLE AWACERO PASAJERO.

BIENTO LO TA FOR DI GENERALMENTE OOST Y MODERA

TE BASTA FUERTE, FUERTE TE DURO DEN RAFAGA;

TEMPERATURA (GRADO CELSIUS) MAX / MIN LO TA: 33 / 27





# SOLO SALUD



## E efectonan di alcohol riba e sistema nervioso

Alcohol ta un droga cu ta legalisa y acepta socialmente. Es mas, tta e droga mas extendi di mundo y nos ta uz'e cu frecuencia den reunion, get-to-gether cu amigonan, cenanan familiar, etcetera.

Sin embargo, nos conoce e efectonan di alcohol? E efectonan di alcohol ta cuminsa cu un sensacion di excitacion y euforia cu ta haci nos sinti miho ora cu nos cuminsa consumi'e. Pa desgracia, hopi hende ta uz'e pa desinhibi of pa calma. Sin embargo, e efectonan real den nos organismo no ta nada bon.

Alcohol ta un toxico cu por provoca alteracion den henter nos sistema. Tambe, tin hopi enfermedad cu ta relaciona cu e ingesta cronico di e substancia aki.

Por ehempel, alcohol ta asocia fuertemente cu e disfuncion hepatico. E realidad aki a extende entre e poblacion; no obstante, poco hende conoce e efectonan di alcohol riba nos sistema nervioso, por ehempel.

Den e articulo nos lo bay splicabo.

Cualnan ta e efectonan di alcohol?

E efectonan di alcohol den e sistema nervioso por produci tanto di forma agudo como cronico.

E cantidad ingeri y e tempo cu ta mantene e situacion aki ta determinante. Di forma general, nos ta distingui entre e intoxicacion agudo y alcoholismo cronico.

### Intoxicacion agudo

Intoxicacion agudo ta produci ora cu den un periodo corto di tempo, ta ingeri cantidadnan hopi grandi di alcohol.

Na principio, e intoxicacion aki ta produci sinto-



manan agradabel, manera e desinhibicion cu nos a menciona anteriormente. Di un otro banda, ta necesario menciona cu, aunke hopi hende ta uza alcohol pa socialisa, otronan ta afecta di manera contrario.

Hopi persona por bira agresivo y iritabel. Sin embargo, e efectonan di alcohol den e caso aki, por causa un coma etilico.

Esaki ta un estado di perdida di conciencia debi na e substancia aki cu por yega na pone e bida na riesgo.

Entre e efectonan di alcohol ta destaca cu ta un depresor di nos sistema respiratorio. Esaki kiermen, cu den e casonan aki, por yega na produci morto pa un fayo den e respiracion.

### Alcoholismo

Alcoholismo ta tuma luga ora cu un persona ta sinti un necesidad imperioso di ingeri alcohol cu ta conduci na haci'e constantemente.

Un di e efectonan di alcohol ta cu e ta capas di produci dependencia fisico. Esaki ta haci cu e alcoholiconan ta sufri sintomanan

di abstinencia ora cu e no por tum'e.

Alcoholismo ta asocia na otro procesonan cu, ora combina, ta haci cu ta desaroja cierto trastornonan neurologico grave.

E circunstancianan ta:

- Mayoria di e alcoholiconan tin deficitnan nutricional y falta di vitamina.
- Ta afecta otro organonan manera e higras. Numeroso estudio ta demostra cu e degeneracion hepatico por causa daño den e sistema nervioso.
- Ta hopi comun cu ta produci golpi y traumatismonan craneal pa motibo di e causa di e efectonan di alcohol. Esaki por provoca hematoma y hemoragianan den e cerebro cu tambe su funcionamiento ta bay deteriorando.

Pa tur esaki, e efectonan di alcohol den e sistema nervioso ta wordo traduci den numero de enfermedadnan. A continuacion nos lo splicabo di esunnan mas destaca.

Efectonan di alcohol: e enfermedadnan neurologico

### Demencia

Casi 10% di e alcoholiconan cronico ta sufri di demencia. Esaki ta implica cu e personanan aki ta sufri un deterioro di tur nan funcionnan cognitivo, manera memoria y e habilidadnan social.

Den e casonan aki, e persona ta perde e capacidad di realisa actividadnan compleho. Tambe por provoca cambianan den su personalidad y den su estado di animo.

Degeneracion di e cerebelo  
E cerebelo ta un parti di nos sistema nervioso cu ta encarga di e coordinacion muscular y otro movimientonan cu nos ta realisa involuntariamente.

Ta calcula cu rond di un 50% di e alcoholiconan ta sufri daño den esaki. Nan ta caba teniendo dificultadnan pa papia, pa cana y hasta cuminsa tin temblamento.

Polineuropatia alcoholico  
Otro di e efectonan di alcohol ta polineuropatia alcoholico. E ta un enfermedad caminda cu algun nervio ta degenera y no por mantene corectamente su funcionnan.

E ta asocia na un falta di vitamina secundario na e ingesta di alcohol. E personanan aki ta cumins a perde forsa den su miembronan gradualmente. Ademas, ta sinti parestesias (sensacion di grawatashi den e cuero) y dolor den e mesun miembronan.

Na final, e ta afecta e forma di cana.

Efectonan di alcohol: e sindrome di Wernicke-Korsakoff

E patologia aki ta produci un alteracion di e conciencia cupor yega hasta den coma. E ta wordo causa pasobra e cerebro no ta metabolisa corectamente e glucose y ta acumula cierto substancianan toxico den dje.

### Concluyendo

E efectonan di alcohol den e sistema nervioso ta varia y compleho. Ta importante sa cu e ta produci daño tanto ora cu ta limita na un intoxicacion agudo como ora cu e persona ta alcoholico di manera cronico.


P'esey, si bo ta kere cu bo tin un adiccion na alcohol of bo ta bebe frecuentemente, purba di aleha di dje.

Tanto bo dokter, como numero de gruponan di apoyo cu ta existi awendia por yudabo.





# Den Caya Juancho Kock problema di pareha a caba na kimamento di paña di otro




Diadomingo anochi a drenta informe di un problema di pareha cu lo a bay foi man den Caya Juancho Kock, mesora a dirigi pa-

truya na e sitio. Na yegada di patruya na e sitio no a topa cu e pareha pero si varios articulo kima. Segun por a compronde for

di bisinja aki e homber lo a tira paña di e muher pafo y a kima esakinan y e muher a rabia y kima sapato nobo di e homber.

SOLO De Pueblo

# Homber a dwal y a bay drumi den greppel na Hato



Diadomingo mainta a drenta informe di cu tin un homber drumi den e greppel yegando rotonde Hato, mesora a dirigi un patruya na e sitio. Na yegada di e patruya a bin encontra un homber kende tabata drumi den e greppel, polis

a lant'e y a papia cun'e e no tabata tin ningun identificacion cun'e pero a bisa cu e ta legalmente na Aruba y ta biba na Bushiri. Mirando cu ela dwal polis a ofrece pa hib'e su cas pa e sigui drumi pero riba su cama no den e rooi.



**SIGUI Vacuna!**

**WALK-IN**  
 NA DVG - CAYA ING.  
 ROLAND LACLE #4  
 8am - 12pm / 1pm - 4pm

**VACUNA**  
 pa nos salud



# Exitoso finalisacion di e curso Basico di Formacion Politico



Dia 19 di mei 2022 Fundacion Digna Laclé-Herrera tabatin e grato placer di por a entrega certificado na tur e cursistanan cu a

participa na e curso Basico di Formacion Politico (parti I). E fundacion ta sumamente orguyoso di por a conta cu 55 cursis-

ta cu a participa activamente.

Atrobe Fundacion por a conta cu un grupo varia. Tabatin personan afilia na partido AVP pero tambe personanan afilia na otro partido politico, gremionan y prensa. Hopi cursista a expresa di ta hopi contento di por a profundisa den varios topico constitucional y varios cursista a pidi pa sigui cu e segunda parti mas pronto cu ta posibel. E di dos parti di e curso ta planea pa sigui na september.

Durante e curso e docente, mr. dr. Rycond Santos do Nascimento, a splica ampliamente con nos sistema parlamentario ta funciona. Docente invitado mr. Angel Bermudez e duna un presentacion encuanto finanzas publico y docente invitado mr. Suzy Römer a duna un charla encuanto e impacto di Ley di COHO y Landspakket riba economia y gobernacion di Aruba, Curaçao y Sint Maarten. Den e cuadro aki señora Römer a duna varios entrevista na prensa, entre otro na e programa Enfoke cu Patrick y Speed.

Pa clausura e curso mr. Mike Eman a elabora riba e origen di corrientenan politico moderno manera liberalismo, socialismo y ideología di partido, Cristian Democrata. Señor Eman a finalisa su presentacion cu un refleccion riba e necesidad di un concepto di e bon comun. E bon comun mester ta e motor pa realisa un sociedad mas husto y inclusivo tanto den sentido social - economico como den sentido moral, etica y cultural.

Fundacion Digna Laclé-Herrera kier gradici tur cursista, tur participante



di e charlanan, docentenan y e equipo cu a percura pa e organisacion y logistica pa haci e curso aki un tremendo exito. Fundacion Digna Laclé-Herrera kier enfatisa tambe cu formacion ta esencial pa crecemento personal y pa prosperidad di un pais. Hunto nos mester hisa e nivel di politica na Aruba. P'esey e lema di nos cursonan di formacion politico ta: "Ambieer niet een functie, maar de kennis om die functie te kunnen vervullen".

## Paga bo cuenta online ta facil

Sea  
Abonnement  
of Aviso

Pago online,  
facil y lihe

Pa hasi pago online pone nomber y adres na  
cuenta di banco RBC Sunmax Printing  
account # 7700000100152447



# Desde 1 september 2021 ley di herencia a cambia: Esposa/o ta e unico heredero



Dede 1 di september 2021 tin un ley nobo cu a drenta na vigor na Aruba.

Esey ta “erfrecht”, ley cu ta regula herencia y ta dicta ken ta herederonan.

Prome cu September 2021, herederonan di un fayecido ta bira su esposa/o y su yiunan.

Depende cuanto yiu tin, ta determina con grandi nan parti ta mientras e esposa/o na bida ta haya 50% + een kindsdeel.

E ley bieuw tabata dificulta e asuntonan pa e esposo/a cu a keda na bida. Pasobra yiunan por a reclama nan parti y esey por a obliga un benta tuma lugar.

Esaki por trece instabilidad pa e esposa/o cu a keda na bida.

Desde 1 september 2021, e unico heredero ta bira e esposo/a cu

keda na bida. E ta dispone di tur cos y por dicidi tambe riba tur cos. Yiunan ta haya nan derecho, pero no por exige nada mientras cu e esposa/o ta na bida.

Pues, esey ta regla awor automatico den ley cu desde 1 september ta na vigor.

Si bo persona tin un otro deseo, con pa reparti bo bienesnan, e ora bo mester acudi na un notario pa regla esaki via un testament.

Por ehempel; si bo ta separa di bo esposa, pero no a divorcia ainda, esey ta haci cu bo esposa ta hereda tur bo bienes.

Kisas bo kier laga cierto proteccion pa bo yiunan? Tur esey por wordo regla awor.

Bida ta cortico, despues di morto, problema por cuminsa! Regla bo asuntonan awor.

## Ma Li “La China Latina” cu otro dimencion cu



Un par di luna pasa Ma Li “La China Latina” a ponde den circulacion su tema promocional “Caliente”, e tema aki a cana su direccion den pleno pandemia y a posiciona su mes den e “iTunes Top 100 Latin Songs”.

Aña 2022, a habri y durante su bishita na Miami e la ser sorprendi p’e remix bao di e seyo “Adonay Records”. E mambo Dominicano remix

aki ta hayando un atencion inespera y esaki ta creciendo masha grandi mes, pero mes-ter menciona cu e tema “Caliente” a drenta bon na Medellin, Colombia.

Ma Li “La China Latina” su ultimo bishita na Colombia tabata un sensacion den tur medio di comunicacion, mas ainda cu e ta asiatico cantando spaño, pero e no ta domina e ideoma, esey ta haci’e di su tema nan uno exotico.

## PUEBLO A HAÑA SU PEN BEK

Pa kualkier informacion  
[solodipueblo@gmail.com](mailto:solodipueblo@gmail.com)  
of  
☎ 585-9500



## Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Koningin Wilhelmina Fonds	582-0412
Fundacion pa nos mucha nan	583-4247

LEY CU TA LIMITA UZO  
DI PRODUCTIONAN DI

# TABACO



**PROTEHANDO  
SALUD  
PUBLICO**

**2** Ta prohibi pa huma  
den luganan publico

**DVG** **ARUBA LIBER DI TABACO** **HALA ROSEA LIBREMENTE**

## Clasificados



**SOLODIPUEBLO@GMAIL.COM**  
**CEL. 585 9500**

**SOLO**  
*Di Pueblo*



**SOLO**  
*Di Pueblo* **OBITUARIO**

Publica serka nos anuncio di fayecimento di bo ser kerí.  
Nos tin 2 pakete pa ofrece

**Pakete 1:** Anuncio di fayecimento te dia cu e defunto  
ser dera  
Gradicimento y invitashon pa misa pa 3 dia Afl 250,00

**Pakete 2:** Anuncio di fayecimento te dia cu e defunto  
ser dera  
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina  
na **585-9500** of na **741-4554** puntra pa  
Jamila Henriquez



# SABIDURIA DEN NOS ALEGRIA

Skirbi pa Ruthy “Lady Ruth” Vrieswijk-Bergen

Bon dia yen di sabiduria den nos alegria. Nos alegria cu ta sigui cana man den man cu tristeza. Dia pa dia, y no ta tur dia ta mescos. Nos tur tin nos beisnan de ves en cuando, tin biaha bon, menos bon, of tin biaha nos ta den e nubianan di alegria pa con bunita nos dia a bay. Pasobra, alegria nos por crea, pero tristeza ta bini di mes. Ningun di nos ta invita tristeza bishita nos, pero e ta parti di bida, parti di nos emocionnan cu nos tur tin cu pasa den. Nos ta cuestiona Dios di amor, pakiko, of dikon nos tin cu muri si nos tur ta gusta e bida den nos curpa riba e mundo aki. Un pa un ta cruza e brug pa bay mas aya, den reino celestial cerca angelnan wardador y antepasadonan cu ya ta eynan. Asina ta e caso cu un otro bon amigo, cu a wordo busca pa bay encontra cu su antepasadonan. E biaha aki nos ta tuma despedida di Paul R.Croes, carinosamente yama “Dadoe” di Cas di Max, un amigo, un ruman pa su colega miembronan den e diferente lodgenan cu tin na Aruba y na Hulanda. Un bon partner, un tata, un welo, un ruman, un bon comerciante trahador duro cu passion y bon energia den nos comunidad. Un caballero cu un smile contagioso y bunita. Un bon hende. Ta un placer topa cu Dadoe y su bunita pareha Irene Peterson y sinti nan dushi vibes, nan positivismo y zjeito pa bida. Danki lieve

mooie Irene, pa e felicidad cu bo a comparti cu bo partner Dadoe. Un bunita pareha cu nan curason ankra den un curason di oro. Nan a comprende y complementa otro den tur cos den bida. Nan amor tawata special. Manera mi bunita colega artista sister friend Irene a bisa con e ta sinti: “I have a broken heart filled with his love”. Oh, mi curason ta sinti e duele aki cu bo lieve mooie Irene, nos curason tambe ta kibra cu e noticia tristo aki, nos cu ta den exterior al momento pasando tempo di calidad cu nos yiunan y nieta y nietonan. Pero nos no tin tur cos den nos man pa cambia destino, aunke nos tin hopi choice pa biba con nos ta desea. Y tur hende ta stima nan mes pa cuida nan salud lo mihor posibel. Y nos por tin e mihor dokternan, pero nan tambe ta keda hende na prome lugar. Nos cada un por tin mil y un pregunta, pakiko, dikon etc. pero ta Creador di bida y amor tin e ultimo palabra. Awor nos brother Dadoe ta na pas, hunto cu su mayornan Max y Marie Therese y su bunita ruman Guisela, dfm rip. Su otro rumannan y demas famia y nan negoshi Cas di Max lo sinti Dadoe su falta, pero Dios mes lo sigui guia su famia den esaki. Dios ta bon. Dios semper ta bon. Solo lo sigui sali tur dia pa nos tur y consola nos y refresca nos cu forza nobo. Nos bida no ta mescos mas, nos lo sinti e bashi di un homber fuerte cu a dedica su bida siendo un bon hende cu tur rond di dje, un homber fuerte pero gentil y suave den su manera di combersa. Un homber balente, p’e niun trabao tawata di mas. Dadoe, cuminda bo bisinja di Cas di Max, “Estrellita Ruiz” pa nos, cu semper tawatatin bon cos so di bisa di bo como su bisinja, awe Estrellita tambe dfm rip. Y ora bo topa cu

bo brother Steve Bowen, dune un bearhug di nos parti tambe? Danki pa a stima y duna tur locual bo tawata por na bo prohi-monan ruman, Danki pa tawata un bon ehempel pa tur rond di bo. Sigui shine ayariba, rondona pa mas bunita pas y mas bunita lus. Sigui manda amor y tira un bista riba Irene, aunke awor bo ta e amor den su curason kibra. E sa cu bo ta mas serca di dje den su mente, alma y curason. Hopi consuelo, forza y amor na Irene, rumannan, yiunan, nietonan, demas famianan y specialmente na tur e “Brotherman” di tur e lodgenan. Love you too! Y... Danki pa lesa nos relato di awe, expresando nos tristeza, pero asina mes cu gradicimento na Dios di Amor pa ta e strea riba nos camindanan, cu ta e biento fresco cu ta sigui bula hiba nos pensamentonan leu tin biaha, y tin biaha pone nos realisa con vulnerable y cortiko bida por ta.



## Polis a bay cu urgencia pa atende un pelea di pareha den Clabiyostraat



Diadomingo anochi a drenta informe di un pelea di pareha den Clabiyostraat, mesora a dirigi un patrulla na e sitio. Na yegada di e patrulla a bin compornde cu e pareha tin un problema cu otro y a start

un pelea. Polis a intermedia den e asunto y a splica e para con pa atende cu nan diferencianan di opinion y e principal e parti di comprension y pordon pa asina reina tranquilidad.







Lotto MERDIA  
MEI 28

<b>CATACHI</b>		
Sorteo # 3571		
<b>0754</b>		
<b>4314</b>		
<b>9922</b>		
<b>x2</b>		
<b>BIG 4</b>		
Sorteo # 3571		
<b>6358</b>		
<b>DFF</b>		
Sorteo # 1627		
<b>0323</b>		
<b>ZODIAC</b>		
Sorteo # 3571		
<b>8821</b>		
<b>Sagitario</b>		
<b>LUCKY 3</b>		
Sorteo # 445		
<b>526</b>		
<b>fp</b>		

<b>LOTTO 5</b>		
Sorteo #	Joker	Letter
0 x Jackpot	Proximo Jackpot	
0 x Match 4+	<b>260.000,-</b>	
0 x Match 4		
0 x Afl. 12,00		
<b>LOTTO DIA</b>		
Sorteo # 5777	Proximo Jackpot	
0 x Jackpot	<b>51.000,-</b>	
0 x Match 4		
0 x Afl. 8,00		
<b>MEGA</b>		
Sorteo #	Mega Ball	
0 x Jackpot	Proximo Jackpot	
0 x match 4	<b>400.000,-</b>	
0 x Afl. 500,00		
0 x Afl. 50,00		
0 x Afl. 15,00		
<b>MEGA PLUS</b>	<b>Afl. 510.000,-</b>	
<b>KORSOU</b>		
Sorteo #		

Lotto ANOCHI  
MEI 28

<b>CATACHI</b>		
Sorteo # 7648		
<b>1583</b>		
<b>6182</b>		
<b>2332</b>		
<b>x2</b>		
<b>BIG 4</b>		
Sorteo # 6692		
<b>5149</b>		
<b>DFF</b>		
Sorteo # 1397		
<b>9745</b>		
<b>ZODIAC</b>		
Sorteo # 5451		
<b>5708</b>		
<b>Aquario</b>		
<b>LUCKY 3</b>		
Sorteo # 381		
<b>811</b>		
<b>x3</b>		

<b>LOTTO 5</b>		
Sorteo # 2289	Joker	34 Letter J
0 x Jackpot	Proximo Jackpot	
0 x Match 4+	<b>270.000,-</b>	
2 x Match 4		
99 x Afl. 12,00		
<b>LOTTO DIA</b>		
Sorteo # 5777	Proximo Jackpot	
0 x Jackpot	<b>52.000,-</b>	
2 x Match 4		
107 x Afl. 8,00		
<b>MEGA</b>		
Sorteo #	Mega Ball	
0 x Jackpot	Proximo Jackpot	
0 x match 4	<b>400.000,-</b>	
0 x Afl. 500,00		
0 x Afl. 50,00		
0 x Afl. 15,00		
<b>MEGA PLUS</b>	<b>Afl. 510.000,-</b>	
<b>KORSOU</b>		
Sorteo #		

FOR SALE - FOR SALE - FOR SALE



Ford Shuttle Bus 2006 ~ E450 diesel  
Prijs reduci: Afl. 15.000  
Perfecto pa snack truck  
**739-0101**

Lotto MERDIA  
MEI 29

<b>CATACHI</b>		
Sorteo # 3572		
<b>4495</b>		
<b>1002</b>		
<b>4614</b>		
<b>x2</b>		
<b>BIG 4</b>		
Sorteo # 3572		
<b>6342</b>		
<b>DFF</b>		
Sorteo # 1628		
<b>2107</b>		
<b>ZODIAC</b>		
Sorteo # 3572		
<b>8173</b>		
<b>Aries</b>		
<b>LUCKY 3</b>		
Sorteo # 446		
<b>114</b>		
<b>FP</b>		

<b>LOTTO 5</b>		
Sorteo #	Joker	Letter
0 x Jackpot	Proximo Jackpot	
0 x Match 4+	<b>270.000,-</b>	
0 x Match 4		
0 x Afl. 12,00		
<b>LOTTO DIA</b>		
Sorteo # 5778	Proximo Jackpot	
0 x Jackpot	<b>53.000,-</b>	
2 x Match 4		
84 x Afl. 8,00		
<b>MEGA</b>		
Sorteo #	Mega Ball	
0 x Jackpot	Proximo Jackpot	
0 x match 4	<b>400.000,-</b>	
0 x Afl. 500,00		
0 x Afl. 50,00		
0 x Afl. 15,00		
<b>MEGA PLUS</b>	<b>Afl. 510.000,-</b>	
<b>KORSOU</b>		
Sorteo #		



## Restaurant, Take Away, Snack, SuperMarket, SanckTruck

Special special special.... Take away box;  
Size 8x8 - 9x9 - 9x6- 6x6



**Cumpra 25 haya 3 box free**

Free delivery.....  
Prijs cuminsando di Afl 45.00  
Info wasap 7390101

## Ta huur edificio comercial



Bon pa Supermarket,  
Mini Market, Laundry,  
Hardware Store, fruteria,  
etc etc.

200 m2 - hopi grandi

Situa riba main road di Sta cruz...  
hopi lugar pa parkeer..

**Info line & wasap 7390101**

## TA HUUR

den CENTRO COMERCIAL  
NOORD un localidad  
di 120M

Bon situa, pa mas  
info yama: **592-3327**



## DAMA CHAUFFEUR A PERDE CONTROL CAY DEN E ROOI MEMEI DI E VIANAN DI SASAKIWEG



Diadomingo madruga a drenta informe di un accidente riba Sasakiweg, mesora a dirigi un patruya na e sitio. Na yegada di e patruya a bin compronde cu e dama

a perde control y a bay cay den e rooi memey di e vianan di Sasakiweg. Afortunadamente ningun hende a resulta herida.



# Polis a detene chauffeur bou influencia cu a subi e median riba Watty Vos Boulevard cu su auto



Diadomingo anochi a drenta informe di un accidente riba Watty Vos Boulevard, mesora a dirigi patruya na e sitio. Na yegada di e patruya

na e sitio a bin constata cu aki un chauffeur di un Toyota Yaris riba Watty Vos Boulevard bayendo direccion Wayaca lo a perde control bay banda links di

caminda y subi e median. Debi cu e chauffeur tabata bou influencia y no tabata copera cu polis a detene y transporte pa warda di polis.


## Polis a duna chauffeur basta cansa drumi den auto un lift pa su cas



Diadomingo mey anochi a drenta informe di cu tin un hende basta cansa drumi den auto na un supermarket na Ponton, mesora a dirigi un patruya na e sitio. Na yegada di e patruya nan a haya

un homber basta cansa drumi den auto. Polis a lant'e y a papia cun'e y tabata muestra basta trankil y polis a ofrece un lift pa su cas no mucho leu y a lock su auto y a laga esaki para eynan.

SOLO De Pueblo





# Homber herida despues di a dal cu su auto contra un mata di kwihi

Balashi - Diaranson ano-chi den careda di 10'or polis a bay cu urgencia pa-riba di WEB N.V, unda cu un accidente a sosode y tin hende herida.

Kia Cerato cora

Na yegada di polis nan a topa cu un Kia Cerato col-or cora pega contra e tran-con di un mata di Kwihi. Na stuur tawata tin un cabayero di edad.

Baha caminda na man robes

Por a mira a base di e ras-tronan den tera, cu e vehi-culo aki tawata bayendo

pa e brug bieu altura di Tele Aruba.

Dado momento pa un of otro motibo a kita bay na su man robes, bahando caminda sin brake pa bay dal stril contra un mata di kwihi basta grandi.

Herida

Polisnan cu a yega e sitio a constata cu e homber tawata herida, pero no tawata musta di grave-dad.

Pero mirando e impacto fuerte ambulance a pre-senta e sitio y a opta pa e bay Hospitaal, unda dok-ter lo por tira un miho bi-sta ariba dje.



**SOLO** Di Pueblo

## OPORTUNIDAD PA TRABAO

Tin oportunidad pa trabao pa un kokki/cocinera y helper di cumind-anan crioyo pa un Take Away.



**Pa informacion por  
wasap 746-3571**

## Oracion di dia

**Un feliz dia bendiciona carga cu hopi  
speransa den nos Bon Dios**

‘Tur caminda cu e yega, e tabata curasha e discipelnan’  
(Echonan 18,23)

Cuanto biaha nos ta tuma tempo pa duna un palabra di curashi na un ruman? Kico nos ta haci cu e Donnan cu Dios a duna nos?

Lo corecto ta pa uza loke nos ricibi, pa gracia di Dios, como instrumento pa encurasha y yuda nos rumannan cu mester di dje. Den Echonan nos ta lesa con Pablo tabata pasa di pueblo pa pueblo hibando e Bon Noticia, y unda cu el a pasa el a encurasha e discipelnan. Awo, esey ta nos tarea tambe, pa anima nos rumannan cu e Palabra di Dios. Asina ki mas hende por experencia e poder di Dios den nan bida. Y si acaso ruman abo ta esun desanima, cu mester un palabra pa lanta bek riba pia, mi kier bisa bo pa No descurasha. E caminda por ta duro pero Señor tey pa bo. Djis tene duro na djE.

Oracion: Dushi Hesus, den bida tin biaha cosnan ta pasa cu por pone nos tambalia y duda den Bo amor. Pero yuda nos encontra e alegria y animo semper bek den Bo Palabra. Y duna nos e curashi pa, mescos cu Pablo, nos tambe por comparti e palabra di speransa ey pa otronan pa medio di e Bon Noticia. Amen.



# FORTALEZA PA FAMILIA

Scirbi pa Pastor MARCEL BALOOTJE.

## ORACION DI HOBEN, A MOVE MAN DI DIOS

Den e buki di 1 Cronicas Capitulo 4 vers 9+10 ta bisa lo siguiente: Jabes tabata mas honorable cu su ruman hombernan y su mama a yame Jabes "Pasobra ta cu dolor mi a haña". Awor Jabes a invoka e nomber di Dios di Israel bisando, "O cu Abo lo a bendiciona mi di berdad y haci mi teritorio mas grandi, y cu bo lo man lo ta cu mi, y cu Abo lo a warda mi di malo, pa pena no toca mi, y Dios a dune locual e a pidi.

Ta parce manera Jabes su mama tabata un mama soltero pasobra solamente su mama ta wordo menciona. Ta para scirbi cu e mama haña, cu dolor, pero nos tur sa cu pa naturaleza tur mama ta hanja yiu cu dolor. Dene caso aki e dolor di e mama ta nifica necesidad, y e nomber di e yiu ta nifica preocupacion of dolor. Pero ora nos analisa e asunto nos ta mira cu e parto aki no a tuma lugar den condicion masha favorable.

Locual nos sembra nos ta cosecha, locual nos pidi nos ta haña, pero tambe locual nos laga bay for di man nos lo lamenta. Si bo traha un edificio y bo no ta mantene, e edificio ta perde balor. Si bo traha un caya y bo no ta mantene e caya ta yena cu buraco, cu ta bira dificil pa bo mes pasa den dje.



Ora un mucha nace ta hopi compliment bo ta ricibi, hopi regalo, hopi speransa pa e mucha aki por bira un mucha inteligente. Pero tur mucha mester di guiansa di mayor,

Den e caso di Jabes no tabata facil, pero Jabes awor cu e a crece no kier a keda den mesun situacion.

Awor nos ta pone Jabes den un contexto moderno cual nos ta recomenda tur hoben, pasobra no ta tur cas tin e mes un forsa financiero pa ofrece nan yiuunan tur cos.

Si bo ta un hoben den un situacion manera Jabes, awel haci oracion.

Nunca ta tempran pa bo entrega bo bida na Hesus. Haci lo miho cu bo por

na scol, studia bon, pa bo gradua como e mihor.

Traha vacantie job pa yuda bo mayor.

Yuda bo mayor den e trabao di cas,

Respeto bo mayor tur momento, y haci oracion pa bo mayor.

Si bo tin mester di algo traha pe, of warda te ora bo mayor por cumpra locual bo mester.

No hinca den bo cabes e gran mentira, cu bo ta bende droga of tira atraco pa yuda bo mama, pasobra esey ta trece dolor pa tur mayor.

Jabez a haci oracion na Dios, y Dios a scucha, aki como hoben bo por realisa cu Dios ta scucha bo oracion, y tambe e ta duna bo locual bo ta pidi.

Como hoben oracion ta masha importante pasobra diabel ta masha interesa den hoben, pa asina dañá nan futuro, y asina stroba nan di logra algo den bida. Cuanto hoben no ta den e situacion cu nan no a caba ningun scol, y pa haña trabao ta

dificil.

Haci manera Jabes, usa bo cabes y tur cos lo bay bo bon.

Hoben bo por logra tur cos si bo ta kere den Dios. Sinceramente

Pastor Marcel Balootje.

SETAR ta participa fayecimento di:

*Sr. Francisco H. Kelly*

Tata di nos colega  
Jeromin Kelly,  
Software Developer.

Acto di entierro ta tuma luga diamars 31 di mei  
2022 di 2or di merdia pa 4or di atardi na  
Misa Santa Anna na Noord. Despues lo sali pa  
Santana Catolico na Noord.

Gerencia, Staf y Personal di SETAR N.V.  
ta extende palabra di condolencia na  
Jeromin y demas famia.

# HOTLINE

## 744-0444

# CAPT'E Y MAND'E

SETAR ta participa fayecimento di:

*Sr. Francisco H. Kelly*

Tata di nos colega  
Jeromin Kelly,  
Software Developer.

Acto di entierro ta tuma luga diamars 31 di mei  
2022 di 2or di merdia pa 4or di atardi na  
Misa Santa Anna na Noord. Despues lo sali pa  
Santana Catolico na Noord.

Gerencia, Staf y Personal di SETAR N.V.  
ta extende palabra di condolencia na  
Jeromin y demas famia.




“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Cu inmenso tristesa na nos curazon, pero conforme cu boluntad di Dios nos ta participa fayecimento inespera di nos tata,  
welo, bisawelo, suegro, cuña, swa y rumannan stima

## Sr. Jacinto Tromp

Mihor conoci como Chinto  
\*25-03-1936 - †24-05-2022



Na nomber di su Esposa: †sra Josefa (Fita) Tromp-Trimon

Yuinan: Felix Maurits y Shelly Tromp-Saladin

Raymond y Aurora Tromp-Pais

Nieto(a)nan: Mauricio Alejandro Tromp

Jeremy Tromp

Ashley y Nick Sepeda-Tromp

Priscilla Tromp y Kevin Arends

Gianomo Pais y Jessica Rydh

Bisanieto: Maddox Tromp

Ronin Sepeda Tromp

Su rumanan: Mario Tromp y Eva Thijssen y famia

Juan y Aida Tromp-Dijkhoff y famia

†Faustina Tromp y famia

Judith y Robby Falconi-Tromp y famia

Glenny Tromp y famia

†Rommy Tromp

Swa y Cuñanan: †Lucy y †Augustin Dijkhoff-Trimon y famia

†Americo y †Lena Trimon-Geerman y famia

†Annie y †Fabian Kelly-Trimon y famia

†Enrique y †Victoria Trimon-Scharbaay y famia

†Julieta y †Felipe Erasmus-Trimon y famia

†Thomas y †Veronica Trimon-Croes y famia

†Margarita y †Chico Donata-Trimon y famia

Vda Emma y †Roeli Odor-Trimon y famia

Andres y Clara Trimon-Arendono y famia

†Toribio y †Maria Trimon-Coronel y famia

Sobrinono(a)nan, primo(a)nan, comer y compernan, bisinjanan

Demas famia: Tromp, Trimon, Dijkhoff, Geerman, Schaarbaay, Erasmus, Donata, Croes, Odor, Are dono, Coronel, Kelly, Falconi, Coutinho, Petrochi, Figaroa, Saladin, Pais.

Ta invita pa asisti na acto di entierro cual lo tuma lugar dialuna 30 di mei 2022 na misa Sta Anna Na Noor y despues pa santana catholicon a Noord. E restonan mortal di Chinto lo ta reposa for di 2’or den misa Sta. Anna.

Nos kier pidi disculpa si nos por a lubida un of otro famia den nos tristesa, enves di flor y krans si kier por hasi un donashon na Stichting Tehuis Jaburibari.






8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		7	1					5
1		4			7	2	9	6
	5			2			7	8
2	7	6	4			8	5	
			5		6			
9	4				3		6	
	6	8	9		5	4		2
4	1	3	7			5		9
				4	1			7

Crossword puzzles



- Horizontales
- 1 rug
  - 4 bathtub
  - 5 mirror
  - 9 bookshelf
  - 11 dresser
  - 13 fan
  - 17 sink
  - 18 fireplace
  - 20 clock

- 21 armchair
  - 22 window
  - 23 stereo
  - 24 toilet
- Verticales
- 2 coffee table
  - 3 closet
  - 6 chair
  - 7 door

- 8 lamp
- 10 TV
- 11 bed
- 12 shower
- 14 desk
- 15 curtains
- 16 nightstand
- 19 painting
- 21 couch

